

外科選要目錄卷四

咽痛

喉痺

喉風

喉癰

喉癰喉草喉疳喉瘤

單雙蛾

梅核氣

內癰

心癰

肝癰脾癰

肺癰肺痿

腎癰胃癰

腸癰三焦疽

腦疽髮際瘡後腦發

天疽銳毒

耳下石疽肉龜瘡

失榮症天柱疽天壽疽

腦疽百脉疽

肩疽過肩疽肩井疽擔肩

上中下三發背

蓮子發竟體發陰陽疽

特疽二氣疽黃瓜疽丹毒發酒毒發

上搭中搭左右搭禽疽

小兒龜背鼠攢瘡淵疽

石疽腎俞發對臍發

環跳疽無名腫毒

鸛口疽尾間發

醫癰瘰癧瘡

痔瘡管漏

臟毒腸風

脫肛風疳

股陽疽股陰疽騎馬癰

涌泉疽

穿襠發懸癰

夾疽氣頸頸癰

環項發風熱鎖喉毒無辜疳

瘰癧

瘰癧

馬刀瘕癰

鈕扣風腋癰

內疔疽缺盆疽臈癰

脾癰臂癰

骨痿疽垂臂發鵠癰

石榴疽冬瓜串陳肝瘡

蝼蛄串肘癰魚臍瘡腕癰兌疽

癰瘡筋疽脈骨疔

鎚指疔代指

天蛇毒蛇節疔蛇眼疔

蛇背疔蜚螋蛙鰓肚疔

紅蘭疔瘰疽手了癰虎了毒

手心毒鵞掌瘋手發背

外科選要卷四

昭文徐惠銓春泉氏選

族姪

志仁心葵氏校梓

咽痛

醫論選要曰夫咽喉者一身之總要氣與食出入之門戶也咽以納氣故咽氣通於天喉以納食故喉氣通於地自其風邪客於喉間氣鬱而熱則壅遏而為咽疼自其熱氣生於肺胃風毒蘊隆則腫結而為喉痺又有尸咽穀賊之症尸咽者陰陽不和脾肺壅盛風熱毒氣不能宣通故令尸蟲發動上蝕於喉或癢或痛如蠶之候也穀賊者稻芒強

澁藏於米而誤食之滯於咽間不能傳化故風熱併聚與血氣搏遂令腫刺如咽噎之生穀刺也胃脘實熱薰蒸上焦發為白頭赤根固有咽瘡之候

馮楚瞻曰咽喉者一身之總要水穀之道路也若胸膈之間蘊積熱毒致生風痰壅滯不散發為咽喉之疾或內生瘡狀如肉腐室塞不通吐嚥不下如單肉蛾雙肉蛾及炸腮腫脹甚者內外皆腫上攻頭面治宜先吐風痰以通咽膈然後解熱毒清肺胃遲則不救

又曰喉與咽不同喉者肺皖呼吸之門戶主出而不納咽者

胃脘水穀之道路主納而不出蓋咽喉司呼吸主升降此
一身之緊關橐籥也經曰足少陰所生病者口渴舌乾咽
腫上氣嗑乾及痛素問云邪客於足少陰之絡令人咽痛
不可納食又曰足少陰之絡循喉嚨通舌本凡喉痛者皆
少陰之病但有寒熱虛實之分少陰之火直如奔馬逆衝
於上到此咽喉緊鎖處氣鬱結而不得舒故或腫或痛也
其證必內熱口乾面赤痰涎湧上尺脉必數而無力蓋緣
腎水虧損相火無制而然須用六味地黃湯加麥冬五味
子大劑作湯服之又有色慾過度元陽虧損無根之火游

行無制客於咽喉者須用八味腎氣丸大劑煎成冰冷與飲引火歸源庶幾可救此論陰虛咽痛者如此治法正褚氏所謂上病療下也

又曰陰氣大虛虛火無制孤陽飛越客於咽喉遂成咽痛者脉必浮大重取必瀋去死則近宜人參一味濃煎細細飲之如作實證用以清降之藥禍在反掌愚用人參必同童便製附子同煎溫和食前頓服則監制虛火下歸乃愈如單用人參細細飲之恐浮火益熾亦非穩當奈世人但知熱咽痛不知有寒咽痛也經曰太陽在泉寒淫所勝民病

咽痛頰腫陳藏器用附子去皮臍炮製切片以蜜塗炙令
蜜入內噉嚙其津甘味盡更易之仲景云下利清穀裏寒
外熱脉微欲絕面赤咽痛以通脉四逆湯又曰冬月伏寒
在於腎經發則咽痛下利附子湯溫其經則愈

又曰又有司天運氣其年鄉村相染若惡寒者多是暴寒折
熱寒閉於外熱鬱於內切忌膽礬酸寒之劑點喉反使陽
鬱不伸又忌硝黃等寒劑下之反使陽陷入裏禍不旋踵
須用表散若甘桔湯之類

竇夢麟曰咽喉一科昔先太師公立論於前矣予豈敢復言

乎獨坐細思又不容已也咽喉之症司性命出納氣飲之
所深為至重然飲食精氣之要路肺與大腸表裏之別臟
腑上通咽喉下由大腸出入之門戶肺為華蓋發陰五臟
死生之元門也入穀則昌絕穀則亡朝生暮死暮生朝死
須臾之間變症不一惟肺主金生生不已循環無端順則
五臟華敷百關通暢此所謂養身之道也陽明燥金以致
火尅而生疾矣咽喉之症從熱而係乎太陽之標故推而
治之可以解熱除毒祛風順氣則自然平金也丹溪以米
醋攪口中以出痰酸以收之之義也愚見以為太酸則燥

先用黃蘗汁加元胡粉少許灌喉中以弔其痰次用酸水
仍前加元明粉灌之後用蜜湯潤之漸漸探吐其痰則咽
喉開利矣復以冰片散滋之無有不效若纏喉風用前三
法不能探吐其痰宜用生桐油灌之鵝翎攪之再用蜜湯
潤之急服牛黃清心丸或豁痰丸以墜其痰旋以二陳湯
加減服之無不愈者若喉中聲出如雷噤食眼張天柱倒
陷面黑唇焦鼻無氣息目睛突出汗出如珠盧扁復生不
能生矣然既患咽喉口舌之症延及頸項頭面發腫紅如
火光萬不可療急用磁鋒砭去惡血用雞子清調乳香末

文和通聖 卷四
潤之立瘥再用芭蕉根汁潤之以解其毒若口舌腫大紫
黑急用針點去血隨吹末藥甚效予久以此法行之頗活
甚多故以此理論而發明之再俟高明校裁勿罪迂謬幸
甚

又云傷寒病四五日發熱鼻乾口燥咽痛者陽明自病也陽
明屬胃汗多則胃汁乾故津液不能潮咽而乾痛者宜用
人參敗毒散主之

又云傷寒三五日咽喉中有腫其色鮮紅痰涎自出頭痛項
強須知屬太陽經邪氣入於經絡觸動心間但積熱之毒

攻咽則咽喉腫痛宜甘桔湯內加牛蒡子元參吹藥同前
又云傷寒八九日已上身無潮熱腹痛自利而咽喉痛者此
太陽經受病也傷寒得汗已不解轉入太陰腹滿時痛自
利而咽喉腫痛其色微白此症可治用真武湯主之所謂
真武者能補下元助陽正氣以手足和煖為妙經云但要
口中紅活有痰可治宜隨症加減用藥若口中黑則血已
枯乾聲啞目上視汗出者不能治矣切宜仔細看症

又云傷寒八九日已上得汗已不散喉嚨痛舌乾唇燥者此
少陰經自病也太陰經受病得汗後未解傳入少陰經少

陰屬腎汗多則腎汁乾其腎水不能潮潤咽喉故其病也
如自利腹中痛手足厥冷咽中腫痛不可吞嚥如魚涎唾
及舌上乾者不治

又云病人八九日已上身微熱無他症但喉中痛而無腫聲
啞者不治

又云傷寒十餘日已上得汗已病解無潮熱脉平靜而咽喉
痛者此餘毒上攻也宜用粘子解毒湯

又云若傷寒十餘日已上病後煩滿咽喉痛舌捲而卵縮者
不治

又云傷寒十餘日已上病不解傳變咽喉痛外症唇青舌捲者此屬厥陰經受病也難治

又云咽喉乾痛無痰不治痛而唇捲不治痛而頭汗出不治鼻中塞者不治口中黑者難治

又云口中乾夜間潮熱不得睡卧時發譫語舉足妄動者用十味人參散主之

又云若病人手足厥冷口唇搖動者宜用小續命湯姜棗煎熱服

又云凡病傳咽喉者乃餘毒未除急服牛蒡子湯降氣湯加

減治之

又云口中紅活吐得血又有痰涎息而清者不治手足冷者
不治聲音不響喉中無腫乾痛者不治手足冷不能自收
頸低不能自舉眼暈暗者不治虛陽上攻上下不升降水
火不既濟腰冷不知痛癢口中痰多唇黑者不治喉中痰
如雷聲或噎食不治面赤目睛上視不治心胸緊滿吐痰
不出不治面黑頸汗出不治自利不治潮熱往來時發譫
語不治自利而喘不治胸腹脹急不治手足厥冷不治心
促四肢厥冷不治心中怔忡胸前紅甚舌捲面赤目上視